

**Serbska zakładna šula Radwor
“dr. Marja Grólmusec”
Sorbische Grundschule Radibor
„Dr. Maria Grollmuß**

Sorbische Grundschule Radibor – Dr.-Maria-Grollmuß-Str. 3 – 02627 Radibor , Tel: 035935-16996-0



„Njewočakowane wokomiki našeho žiwjenja

su husto najrjeńše.“

Chinska mudrość

Radwor, 02.julija 2026

Lubi starši,

šulske lěto 2025/ 2026 je ke kóncej. Z wjele rjanymi začišćemi, skrućene z nazhonjenjemi a wobšěrnej wědu, podaja so naše šulerki a šulerjo do derje zasluženyh lěčnych prózdnin.

Tež w druhim šulskim pollěće běchu někotre wjerški, kotrež su naše šulske žiwjenje wobohaćili.

- čitanske koła 1. a 2. kaž tež 3. a 4. lětnika
- serbske čitanske wubědžowanje Rěčneho centruma Witaj
- ekskursije / pućowanske dny k zawodam a do krasneje přirody našeje wokoliny
- talentowa show
- sportowy swjedzeń



Fota našich wjerškow móžeće sej stajnje na našej homepage wobhladać.

<http://radibor.net>

Wulka překwapjenka bě **“motiwaciski pakćik”** za wšitkich wučerkow, kotryž je staršiska rada na swojim poslednim zeńdženju přepodała.

Za to prajmy wutrobny džak!

Tu hišće někotre mysle k spočatkej noweho šulskeho lěta:

W 1. šulskim tydženju změja wšitcy šulerjo wšědnje **hač do 11:05 hodź.** wučbu (**prěni lětnik** - > w prěnim a druhim tydženju)

Na spočatku noweho šulskeho lěta zaběraja so wšitke rjadownje z temu **“Wuknjenje wuknyc”**. Na jednym dnju přewjedže so znowa w kóždej rjadowni projekt k **strowemu zežiwjenju**.

Mamy hišće cyle **wosebitu naležnosć**. Pomazkowe tyzki džěci su stajnje z wjele chłóšćenkami pjelnjene. Wy, lubi starši, sej najwjětšu prócu dawaće, tež wjele stroweho zapakować. Zwěšćamy pak, zo džěci husto najprjedy slódke wěcy zjědža a poprawom drohotne, za koncentraciju spěchowace žiwidła ležo wostanu.

Tohodla chcemy pospyt startować, **dopołdnja jenož strowe wěcy jěsć a pić** (bjez cokora-jenož pomazki, sad a zeleninu). Wšo druge smě so potom popołdnju ze separtneje tyzy chłóšćić. To budže spočatnje snano wulke wužadanje, ale smy sej wěsći, zo budže to džěcom při wuknjenju a koncentraciji pomocne. Prosymy Was, lubi starši, nas při tym podpěrać.

Snano móžeće sej na přěnim staršiskim wječoru swoje nazhonjenja wuměnjec a dobre ideje dale dawać.



Daty wuknjenskeje platformy „**Moodle**“ so spočatk noweho šulskeho lěta, hdyž je přirjadowanje fachoweho wučerja wěste, kompletnje wobnowja. To woznamjenja, zo so tež šulerjo nětčišeje rjadownje 4 hakle potom wotstronja.

Pohladajće prošu ke kóncej prózdnin **na startowu stronu**, dla aktualnych informacijow.

Lubi starši,
w nowym šulskim lěće swjěćimy

100-ty jubileji našeje šule.

Wot 05.10. hač do 09.10.2026 wotměje so swjedženski tydzeń. K tomu trjebamy zaso wjele pomocnych rukow kaž tež wustajenskich srědkow a wuhotowanjow. Na připožonym přehladže widźiće, wo čo w jednotliwym dze. Wjeselimy so na to, z Wami zhromadnje tutón wjeršk přihotować a swječić.



Nětko su sej wšitcy wjetšu přestawku zaslužili. W mjenje pedagogoweho teama našeje šule přeju Wam z Wašimi džěćimi wočerstwjaće prózdniny a rjane dožiwjenja.

Wutrobne postrowy

Angela Rynčowa
šulska nawodnica